

## IJWI RY'UBUHANUZI ISHURI RYA BIBILIYA MW IPOSTA

B.P. 1710

BUJUMBURA

BURUNDI

ICIGWA CA 20

### ABANA B'IMANA BARONDERA ISHENERO RYAYO

Umurongo wo kwibukwa : « Kandi mfise n'izindi ntama zitar'izo mur'uru rugo, na zo nyene birankwiye kuzija imbere, zizokwumva ijwi ryanje, hazoba umukuku umwe n'umwungere umwe. » Yohana 10 :16.

#### URWINJIZO

Imbere y'ukwiga iki cigwa, ndagusavye kubanza kuraba ici-gwa ca 15, mu ncamake, urabe icavuzwe kw ISHENERO RY'IMANA. Mur'ico cigwa urasangamwo ko : (a) Imana yakore-nye Ishenero ryayo ryahozeho kuva aho abana b'sirayeli bari mu bugaragwa. (b) Ishenero ry'Imana ryubatswe kuri Yesu, ari we Gitandara. (c) Imana yakunze Ishenero ryayo. (d) Ishenero rigereranywa n'umubiri ufise umutwe umwe, Yesu, (e) Kand'abakristo bo mw Ishenero bagereranywa n'ingingo z'umu-biri, zigakorera hamwe, musi y'ubuyobozi bw'uwo Mutware. (f) Imana igomba kw abana bayo ari bo bakristo bo mw Ishenero ryayo, babona ubufasha mu vy'umutima kandi ko na bo bafasha bagenzi babo. (g) Kandi kw Ishenero ry'Imana rizohoraho ibihe bidashira. (h) Kandi ko n'aza kujana Ishenero, rizoba rifise ubwiza... ryera ritagira umugayo. (i) Kugira ngw ub'umwe wo mw Ishenero ry'Imana, utegezewa kubatizwa mu mazi. (j) Bamwe bo mu bifatanya n'Ishenero ry'Imana bazoribamwo ntabwo bazokizwa n'Imana bose yamara bari kuzoki-zwa bose iyo « bagororoka kugeza ku mperuka. » Mbega umuntu yomenya Ishenero ry'ukuri ry'Imana ate? N'iki cerekana Ishenero ry'ukuri iryo ari ryo? Mbega ryoba rifise abavyeyi bahoze ar'abakristo kuva kera? N'iki cerekana Ishenero ry'ukuri iryo ari ryo? Mbega, ryoba irikundwa cane n'abantu b'i wanyu? Twomenya dute Ishenero ry'ukuri kandi mw isi hari amashe-nero arenga 5.000 (Ibihumbi bitanu)? Ibi bibazo n'ivyo kwi-shurirwa mur'iki cigwa.

## KURONDERA ISHENERO RY'UKURI RYIMANA.

1. Mbega urondera Ishenero ry'ukuri ry'Imana yorinda kuraba ubwinshi bw'abakristo? None mwovuga kw Ishenero rifise abakristo benshi ari ryo ry'ukuri? Mw isi hari amashengero arenga ibihumbi bitanu (5000). None abantu benshi barashobora kuzimira? Asangwa abakristo bo mw Ishenero rimwe ari benshi cane; maze ubwinshi bwabo akaba ari bwo bwemeza ko bakurikiza ukuri kw'Imana noneho ubukristo bwoba bubaye idini y'ibinyoma! Kuko mu madini yose abenshi ari abatari abakristo beza. Vyongeye tugomye gutora mu madini rukristo masa, two-sanga Ishenero Gatolika ari ryo rifise abakristo benshi gusumba ayandi ya Gikristo. None ivyo ni vyo vyokwemeza kw ari Ishenero ry'ukuri? Haba na gatoya! Umuntu ntiyogaya Ishenero canke ngw arishime akurikije igitigiri c'abaririmwo. N'ikihe gihe (mu vy'idini) abantu benshi baba mu vy'ukuri bitewe n'ubwnshi bwabo?

Mu gihe c'isegenya abo mw isi yose bari mu vyaha, turetse Nowa n'ab'umuryango wiwe. Abo bonyene ni bo bumviye ijwi ry'Imana ribahamagarira kwinjira mu bwato ngo bakire isegenya. Isi yose yaratikiye turetse abo kwa Nowa. None ubwo abenshi ni bo bari bari mu kuri? Oya nyabuna!

Mu gihe c'Aburahamu, ni we musa avugwa ko yari incuti y'Imana. Muri ca gisagara kibi c'i Sodomu, Loti gusa niwe yaki-jijwe hamwe n'abakowba biwe maze bakira wa muriro n'amazuku. Abana b'Isirayeli nibo bari ubwoko buto ubageranje n'ayandi moko y'ico gihe, yamara nibwo bwoko Imana yatoranje. Yesu ni we BUYE rigumya imfuruka y'Ishenero ry'Imana, ariko yar' umwe mu bwoko bwose bwagararie. « Yaje mu vyiwe, ariko abiwe ntibawakiriye. » Yohana 1 :11.

Mu misi ya mbere y'abakristo Ishenero ryari rito cane urigereranje n'ayandi madini yo kw isi. Hanyuma Ishenero ryagize ubushobozi riragwira. Kuva ubwo ntiryaba rikiri Ishenero rye-randa nk'uko ryahoze. Ntiryabandanije kwubaha Imana nk'uko Imana yabigomba.

Mu gihe ca Kostantino, umwami yariho mu kijana ca kane, inyuma ya Kristo, imigenzo y'ubupagani yinjiwe mw Ishenero, imigenzo itigeze yemerwa na Kristo kandi Imana itigeze iyemera na mba. Ivyo vyatumye abapagani bifatanya n'Ishenero rya Kristo. None vyari kuba bite? Igitigiri c'abantu carongerekanye, ariko Ishenero ubwaryo rirononekara, riba mu mwiza imyaka amajana menshi. Abagerageza kwumvira Imana baba bazanye amacakubiri maze bakicwa. Abantu beza aho baboneye kw Ishenero ritakirongowe n'Imana, bavuye mw Ishenero batangura kurema ayandi mashengero matomato bakurikije umuco w'Ijambo ry'Imana. Mu vy'ukuri ntibari bafise ukuri kw'Ijambo ry'Imana kwose. Ukw imisi yashira niko ukuri kw'arushiriza kumenyekana kuvuye mw Ijambo ry'Imana. Bamwe barakwakiriye abandi nabo barakwanka. Abiteguye kwakira ukuri kw'Imana kwose nk'uko bakubarive baguma bifuza kumenya ishenero ry'ukuri iry'ari ryo. Ntibazomenyekanishwa no gusumba abandi ubwinshi. « Muce mw irembo ripfunganye, kukw irembo ryagutse n'inzira y'igliamo, ari vyo bijana abantu mu mahonero kandi abahaca ni benshi. Ariko irembo ripfunganye n'inzira ntoya, ni vyo bija mu bugingo, kandi abahabona ni bake. » Matayo 7 :13,14. Aya majambo yavuzwe na Yesu aho yari kw isi, ariko abarongozi b'idini baramwanka. None ivyo vyerekana ko Yesu yari umunyabinyoma? « Erega ntihigeze kuboneka umuntu avuga nka we. Abafarisayo barababaza, bati Mbega na mwe mwajimijwe? Har'umukuru n'umwe yamwizeye, canke "Umufarisayo? » Yohana 7 : 46-48.

2. Mbega umuntu yoba arondera Ishengero ry'ukuri ry'Imana, yovuga kw ar'iry'abavyeyi biwe barimwo ?

Kenshi harah'umuntu yumva uwundi avuga, ati « Sinova mw Ishengero data arimwo ». Ni koko birakomeye guhinduka mur'ubwo buryo. Mbega umuntu agomba kwubaha abavyeyi biwe, ntiyobanza kwubaha Imana yo yamuremye ?

Umukobwa umwe yize ukuri kw'Imana. Se yar'umurongozi w'Ishengero ab'urwo rugo bose barimwo. Yumvira se cane, kandi iri jambo n'iry'ukuri rwose, ngo « Wubahe so na nyoko, » nikw ibwirizwa ry'a gatanu rivuga. Ariko yumvise yuko umusi w'INDWI ariyo SABATO y'Uhoraho Imana, yize ivy'ukuri bindi, ntiyashobora kuguma mur'iryo shengero se yarongora. Umusi umwe hari kw'isabato, se amutegeka kuja kubagara ibigori. Yahakaniye se amwubashe kw adashobora kubagara ku musi w'isabato, umusi sera w'Uhoraho, ntiyubahuka gukora ikintu nk'ico co kwica isabato. Se abandanya kumukangisha, ariko umukobwa eguma amuhakanira kw atokwubahuka gukora ikintu nk'ico. Hanyuma se aramubaza, ati « Mbega ntiwubaha so ? Ntushobora kwubaha so ? ». Maze uwo mukobwa atanura gusengera ku mutima, asaba ngw abone ico yishura, maze aca abona inyishu, ati « Ego me, dawe ndakwubaha, ariko nubaha Imana kurusha. » Mbega uwo mukobwa ntiyari ahagaze mu ruhande rwiza ? Kwubaha abavyeyi ni vyiza, ariko kwubaha Imana n'agaheta. « Igikwiriye n'ukwumvira Imana kuruta abantu. »

Nahw abavyeyi b'umuntu boba bagororotse bate, basengana Imana ubwenge bwabo bwose, maze umuco ukarasira umuntu ngw akore ukw Imana yifuza ko yokora, ab'akwiye gukurikira uwo muco nk'ukw abavyeyi biwe bakurikira uwo muco ukayannganira mu nzira yabo. « Nukw iyo misi y'ubutamenya Imana yarayirengagije, ariko noneho, igera kw abantu bose bari hose bihana » Ivyakozwe n'Intumwa 17 : 30. Imana n'umutunzi w'imbabazi kand'ibabarira uwuyikorera mu rugero rw'ivy'azi vyose, nahw ivy'azi bitoba bihwanye n'ivy'akeneye vyose. Arikw Imana mu rukundo rwayo, iyo yerekanye ico yiymvira, umwana wayo azokurikiza urugero nk'ukw avyumva.

Mbega umuntu ntiyokwipfuza kurushiriza kwumvira Imana mu bintu vyose ? « Mumenye neza ibihimbaia Umwami wacu ». Abanyefeso 5:10. Yakobo yavuze, ati « Nuk'uzi gukora neza ntstabikore, bimubera icaha ». Yakobo 4:7. « Kuk' Uhoraho asuzuma imitima yose, akamenya imigabo yose n'iviyumviro vyose. » I Ivyo ku ngoma 28:9.

3. Mbega mu gihe umuntu arondera ishengero ry'ukuri ry'Imana ni ngombwa kw arondera umukuru waryo ?

Har'abantu b'Imana benshi n'abungere bayikorera, naho batamenye iciyumvir c'Uhoraho cuzuye nk'uko biri mw ijambo ryiwe. Har'abungere banse gukurikiza ivy'Uhoraho yabategetse, maze barongora abandi mu bugarariji. « Abaherezi ntibarushe bibaza, bat'Uhoraho ari hehe ? N'abafise ibanga ry'ivagazwe ntibamienye ; abaragiye ighugu barancumuyeko, kand'abo nari kuvugisha basigaye bavugishwa na Bayali bakurikira ibitagira ikimazi. » Yeremiyia 2:8. « ABUNGERE batikiza intama zo mu canya canje, bakazishwiragiza ! ni jewe Uhoraho mbivuze. » Yeremiyia 23:1.

Mbega aba bayobozi b'ishengero bo mu gihe ca Yesu barawemeye ? (Soma Yohana 1:11. Nta muntu ariho atacumura. emwe naho yoba ar'umuntu yicisha bugufi kandi yizerwa, Imana yonene ni yé dukwiye gukurikiza. Yesu yaravuze, ati « Ni jewe nzira n'ukuri n'ubugingo, » Yohana 14:6. Har'abantu bigi-

sha ibi n'ibi, bita mw ijambo ry'Imana, ahubwo ar'ubushake bw'ishengero. « Mansengeru ubusa, kukw inyigisho bigisha ar' ivyagezwe vy'abantu. » Matayo 15 : 9.

Hadutse abahanuzi b'ibinyoma muri barya bantu nk'uko n'i wanyu bazokwaduka abigisha b'ibinyoma, « bazozana inyigisho mu mpisho zirema ibice, zitera guhona ; bazokwihakana na Shebuja yabaguze, bihamagarire uguhona gutebutse ». 2 Petero 1 : 1. Ntihakagire uwucira urubanza mugenzi we, kw atiga ukuri kw'Imana kwose, nk'uko kwerekadirwa mw ijambo ry'Imana, ab'ari mu kuri no kugororoka no mu munezero iy'ahindutse avuye mur'ico gicumuro akagera muri wa muco wo kugororoka. « Mwirinde, ntihakagire ubagira inyagano, abanyagishije ubwenge bw' abantu ar'ibihendo vy'ubusa, bikurikira akaronda k'imigenzo y'abantu, bikurikira ivya mbere vyo mw isi, bidakurikira Kristo. » Ab'i Kolosayi 2 : 8.

#### **UBURYO BWOKUMENYA ISHENERO RY'UKURI RY'IMANA IRY'ARI RYO.**

4. Mbega ni kintu ki ciza umuntu akasha kumenyeraho ishengero ry'ukuri ry'Imana ?

Twize yuko gucira ishengero urubanza dukurikije ubwinshi bw'abaririmwo cank'uko rikundwa n'ababanyi bacu bitazana amahoro na gato, canke ko dukurikije kw abavyeyi bacu baririmwo, canke dushingiye ku mukuru waryo avuga kw ar'ishengero ry'Imana. Ben'ryo jambo ni ryo kuzimiza. Uburyo bumwe buzana amahoro, n'ubu gusa : Nukw iryo shengero ryigisha ukuri kw'Ijambo ry'Imana. « Harih'inzira umuntu yibwira kw ari nizza, arikw amaherezo yayo n'inzira ishikana mu rupfu ». Imiganzi 16 : 25.

Umuntu ntakwiye gusuka ukubaho kwiwe mu bintu vyose biboneka nk'uk'umenga n'ivy'ukuri arikw akwiye gukurikiza ic' ijambo ry'Imana ryemeza kw ar'ic'ukuri. Ukuri niki? « Ijambo ryawe ni ryo kuri. » Yohana 17 : 17. Yesu yabwiye Satani ca gihe yamugergeza yuk'umuntu abeshwaho n' « amajambo ava mu kanwa k'Imana. » Matayo 4 : 4. Eh'ukuntu ar'ingirakamaro kumenya iryo jambo ry'Imana, tudahendwa n'inyigisho z'abantu !

5. Mbega ni nyigisho ki z'ukuri zigishwa mw ishengero ry'ukuri ry'Imana ?

Ishengero ry'ukuri ry'Imana rizigisha ukuri kwose nk'uko kwanditswe mw ijambo ryayo, ntirizigisha ubushake bw'abantu. Rizigisha ko : (a) Har'Imana irimwo Ubumana butatu, Data wa twese, Umwana na Mpemwu Yera, kandi ko tur'abana b'Imana. (Icigwa ca mbere). (b) Iyi si yaremwe n'Imana mu mushamvu umwe, (mu ndwi). Umushamvu nk'uwo dufise mur'iki gihe, kandi k'umuntu yaremwe n'Imana ngw atware iyi si (Icigwa ca kabiri). (c) Imana ni yo yatanze Ivyanditswe Vyera vyose, Isezerano Risha n'Isezerano ryà Kera, kugira ngo bibe umuyobozi, umuhumuriza, n'umuco umurikira amahanga yose. (d) Mbere na mbere Satani yahora ar'umumarayika mw ijuru, hanyuma agarariza Imana, agararisha n'abandi bamarayika, ashiburawna na bo mw isi (Icigwa ca kane). (e) Satani yihindura inzoka acumuza Adamu na Eva, atar'ukugira ngo azane icaha n'urupfu gusa mw'isi, ariko yashaka no gutwara iyi si (Icigwa ca gatanu). (f) Imaha yarungitse Umwana wayo, Yesu Kristo, ngw agire imibereho ya kimuntu, ngw apfire umuntu abone gukira Satani, kugira ng'ubutegetsi, bw'isi bubone kumugarukira, kandi ko Yesu ari we vyizigiro vy'

agakiza wenyene, (Icigwa ca zatandatu). (g) Umuntu akwiye kwizigira Yesu kw ari we vyizigiro vy'agakiza kiwe. Akwiye kwhana ivyaha vyiwe agahindukira. Akwiye kwhana akagarukana ivy'abo yagiryo nabi. Akwiye kubatizwa akazuka nk'uko Yesu yazutse. Kubw'inkomezi z'Imana afise ubushobozi bwo « kugenda nk'uko Yesu yagenda. » Kandi ko Yesu azohanagura ivyaha vy'abantu bagendera mur'ijo nzira, (Icigwa c'indwi). (h) Imana ishaka kw abana bayo. bakomeza amabwirizwa yayo nk'uko yerekana urukundo rwayo, kandi akerekana ivyaha. Kwica ibwirizwa rimwe bihwanye no kwica amabwirizwa yose. (Icigwa ca cumi). Ibwirizwa rya kane Ibwirizwa ry'ISABATO rikwiye gukomezwa kw ar'iryera nk'ukw ayandi mabwirizwa cenda akomezwa. Ibwirizwa ry'Isabato ryibutsa iremwa ry'iyi si, rizokomezwa n'abana bayo ibihe bidashira. (Icigwa ca cenda n'ica cumi n'indwi). (j) Imana ntiyigeze ihindura ISABATO yayo, na Yesu ntiyigeze ayihindura, nta n'umwe wo mu ntumwa ziwe na we yigeze ayihindura, arike ukurikije ubuhanuzi bwa Daniyeli 7 : 25, Isabato yahinduwe n'umuntu, mu buryo bunyuranye n'ugushaka kw'Imana rwose. (Icigwa ca cumi). (k) Imana ishaka k'umuntu abera ab'umuryango wiwe umugororotsi nayo akayibera umugororotsi. Kubera Imana umugororotsi nk'uko woyigarukanira ikigiracurni mu vyo wunguka vyose, kand'ugatanga imperezwa zotuma igkorwa cayo gishobora gutera imbere kugira ngo bensi bakizwe. (Icigwa ca cumi na kimwe n'ica cumi na munani). (l) Imana yandika iviyumviro n'ibikorwa vyacu, kandi umuntu wese azocirwa urubanza hakurikije ivyo yakoze vyose, abaye yarakurikije amabwirizwa y'Imana canke atayakurikije. Umuntu azohabwa ingorano z'ibihe vyose, ar'urupfu cank'ubingo, bikurikije uk'urubanza ruzoc'bwa. (Icigwa ca cumi na bibiri) (m) Abapfuye, ababi n'abeza, ntibari mw ijuru canke muri Gehinomu, abuhwo basinziriye mu mva zabo, barindirio gucirwa urubanza. (Icigwa ca cumi na bitatu)

(n) Yesu azoza kuzura aberanda bapfuye, abajane hamwen'abazoba bakirho beranda, ngo bose babane na we ibihe bidashira. Bazomara imyaka igihumbi mw ijuru, ico gihe abanyabibi bazoba bari mu mva zabo, mw iherezo ry'ico gihe, umurwa wera Yerusalem nsha hamwe n'aberanda bakijijwe, bazomanuka baze mur'iyi si. Abanyabibi bose bazozuka. Satani azogera ingabo ngo batere umurwa mweranda bawunyage, Maz'umuriro uzomanuka uve mw ijuru ubaturire bose, Satani n'abamarayika biwe, n'abanyabibi bose. Aho bizoba ari iherezo ry'ivaha vyose, n'imbabaro n'urupfu. Abagororotsi bazobana n'Imana ibihe bidashira, mbere n'abamarayika, mur'iyi si izoba yagizwe nsha. Bazoba mu mahoro no mu munezero. (Icigwa ca cumi na bine)

(o) Abana b'Imana bari bakwiye kuba mw ishengero ryayo kugira ngo bafashe abandi, kandi bagire inkomezi zo gufatanya n'abandi b'ishengero. Yesu ni we Mutwe w'ishengero, abana biwe bageranywa n'ingingo z'umubiri. Umsi umwe azojana ishengero ryiwe. Rizoba ar'ishengero ryiza ritagira umugayo. Kugira ng'ube umukristo wo mw ishengero ry'Imana, utegerezwa kubatizwa nk'uko Yesu yabatiwe, ukazuka, kand'ukagendera mu bugingo busha nk'uko Yesu yagenda. (Icigwa ca cumi na bitanu n'ica mirongw'ibir).

Abana b'Imana bazohora bayirondera imizi yose, bayinezereza mu vyo bakora vyose, mu kurya canke mu kunywa, mu biganiro no mu biatu vyose. Bazirinda kurya ivyokurya Imana yabuzanje kuko vyanduye, kandi bazitandukanya n'ibinyobwa bitera ubugoyigoyi. Bazokwirinda gukavya mu kwambara ivyambarwa vyabo no mu vyo biyumvira, no kudategera amatwi amjambo adahesha Imana icubahiro. (Icigwa ca cumi na bitandatu).

## GUHAMAGARIRWA KUVA MURI BABULONI

6. Ijambo ry'Imana rivuga rite amashengero atar'amashengero nyakuri ?

Uko dufise amashengero menshi mw isi, mu vyiyumviro vy abantu niko har'vyiyumviro vyinshi binyuranye, bibaza ishengero ry'ukuri iry'ari ryo. Mu Vyahishuwe 18 :1,2 iyi si irimwo ishengero ryitwa « Babuloni » bisobanurwa ngo « Imivurungano. »

« Hanyuma y'ivyo mbona umumarayika wundi, amanuka avuye mw ijuru, afise ubutware buhambaye, isi iboneshereza n'ubwiza bwiwe. Asemeresa n'iji rirenga, ati « Birakomvomvotse. » No muri 2 Timoteyo 3 :15, iyi mirongo isobanura ivy'abiyita abagorotsi ariko bakaba bahakanisha inkomezi za Yesu ukubaho kwabo, ari kwo kutitandukanya n'ivyaha.

Mbeba bakora ivyaha bimeze gute ? Mu Vyahishuwe 18 :5, dusoma kw « ivyaha vyiwe vyarundaniwe gushika mw ijuru, kandi kw Imana yibutse ukugabitanya kwiwe. »

Hanyuma y'isegenya Nowa avuye mu bwato, kandi abantu bamaze kugwira kw'isi, bigiriye inama yo kubaka umunara ugeze mw ijuru, uwo munara witwa Babeli canke Babuloni (Soma 11 :1-9). Uwo munara niko wiswe kuko mur'ico gihe, arihw Imana yasobanje indimi z'abantu, ituma bavuga indimi zinyuranye. Hanyuma Imana igwisha umunara, kukw itagomba ko wubakwa.

Abubaka uwo munara bibwira ko uzoba irembo ribageza mw ijuru, ariko umaze kugwa, ntibaba bakibonye uburyo baja mw ijuru. Umuntu ntiyoja mw ijuru mu buryo bw'ukwiyemera, ariko yogeziwayo n'uko yumviye IJAMBO RY'IMANA

7. Kw'ayo mashengero atejejwe nk'uko yar'ameze mu gihe ca kera, kandi Imana ikaba iyabona nka « Babuloni » iburira abana bayo ite ?

Iyahishuwe 18 : 4, « Ni muve i we, kugira ngo mwoye guhabwa ku vyago vyiwe. » Iy'Imana ivuze, iti « Ni muve i we, » ic'ishaka n'ukw ic'ivuze kiba. Aho yabwira Loti n'umuryango viwe kuva i Sodomu, ico yashaka nuko bava mu gisagara bagahunga. Iyo Loti yanka guhungana n'abo mu rugo rwiwe, baba baraturiwe n'umuriro. Igihe Imana ibwiye Nowa kubaka ubwato kandi ngw abwinjiremwo, ni co yamushakako gusa. Iyo Nowa n'abo mu rugo rwiwe banka kwumvira Imana, baba barahonejwe n'amazi y'isegenya nk'uko yahoneje abandi. Ni ngombwa kw'abana b'Imana bava muri Babuloni yo mur'iki gihe nk'uko vyari ngombwa ko Loti ava mu gisagara ca Sodomu, na Nowa akinjira mu bwato, « mwoye gufatanya n'ivyaha vyiwe ».

UMVIRIZA NEZA : Mu Vyahishuwe 16, dusomamwo ivy'ivago biteye ubwoba bizosukwa kw isi Yesu atagaruka. Mu murongo wa 19, tubona ko Babuloni ivugwa kw izobona ivyago vy'uburake bw'Imana.

Igihano kizoba ku bibwira ko bizera Imana n'Ijambo ryayo kandi bayisengera ubusa. Ikibabaje n'ukw abantu bose batazu-mva guhamagara kw'Imana. Umuntu wese akwiye kwicira urubanza ubwiwe.

Umwana w'Umwami amaze gukura yigiriye inama yo kugabanya ukubaho kwiwe mw imigabane ine. Yigiriye inama yuko imyaka cumi itangura yo kubaho kwiwe, azoyizereramwo ngw arabe ibitangaza biri mw isi yose, yigiriye inama yuko mu yindi myaka cumi ikerukiyeho azoyimara yinezereza, kandi kw imyaka cumi iheruka, ahh azoba amaze gusaza, inkomezi z'ubuto zimaze kugabawka, azoyimara skorera Imana yiwe. Iyo nteguro yaboneka

kw ari nziza imbere y'uwo muhungu, arikw ivyo yashatse ntiyabisshitseko. Kuki ? Kuko yapfuye amaze ya myaka cumi itangura ! Ubu ntiwokwigira inama ? Mbega ntiwova muri Babuloni n'imyanda yayo yose ? — Ukifatanya n'ishengero ry'Imana rikomeza amabwirizwa yayo yose kandi ryiteze kugaruka kwa Yesu kwegereje cane ? Ubonye yuko ushaka gufashwa utaragira ico wihiitiywmo gukora gikomeye cane, abayobozi b'Ijwi ry'Ubuhanuzi bonezerezwa no kukugira inama. Canke woba ukeneye kubonana n'umwe muri bo kugira ngo mubashe kuganira. Ibi vyose tubigushize mu maboko, n'Imana ubwayo iguhamagara.

« Ni murondere Uhoraho bigishoboka kw abonwa, ni mumwambaze akiri hafi : umunyavyaha n'aréke inzira yiwe, ugabitanya areke iviyiyumviro vyiwe : agaruke k'Uhoraho, na we aramugirira ikigongwe, agaruke ku Mana yacu, kukw ikunda guharira »

Yesaya 55 :6,

« Uzoza aho ndi ryari ? » Zaburi 101 :2. Raba ! Iki nico cigwa gihiruka ibi vyigwa. Mugabo har'ibindi bikurikiyeho ari vyo vyigwa bikomeye, ubu birategurwa. Twizeye ko uzokomeza n'ibiyige kuzokurikirako. None tubwire. Imana igufashe aho ugiye kwigira inama yo kuyivugira ugororotse, ni vyo abayobozi b'Ijwi ry'Ubuhanuzi bagusabira.

**ITEGEREZE NEZA :** Ukoeshe Bibiliya hamwe n'icigwa. Iki-bazo cose gifise INYISHU IMWE GUŞA. Wandike X mu kazu k'inyishu y'ukuri Ntiagire ikintu wandika mu tundi tuzu tubifri dusigaye. Kaba aka u'ero ku kibazo ca 1 c'icigwa ca 1.

**IBIBAZO VY'ICIGWA CA 20.**

**1. Intama za Yesu.**

- A. Yesu yavuze kw afise izindi ntama.
- B. Yesu yavuze kw ata zindi ntama afise.
- C. Intama za Yesu ntiziramenya ijwi ryiwe.


**2. Ishengero ry'ukuri n'irihe.**

- A. Amashengero yose n'ay'ukuri.
- B. Ishengero ry'ukuri n'irikurikiza amabwirizwa y'I-mana.
- C. Ishengero ry'ukuri n'iririmwo abantu benshi.


**3. Umusi w'ukuri utegerezwa kuruhukwako n'uwuhe ?**

- A. Umusi w'ukuri utegerezwa kuruhukwa n'uwa mbere (dimanche)
- B. Umusi w'ukuri utegerezwa kuruhukwa n'uwi'sabato (samedi)
- C. Ishengero ry'I-mana ni Sosiyete yashinzwe n'abantu gusa.



**4. Umubatizo w'ukuri n'uwuhe ?**

- A. Umubatizo w'ukuri n'uko gutonyangiriza amazi mu ruhanga.
- B. Umubatizo w'ukuri n'uko kwibiza umuntu mu mazi.
- C. Ishengero n'ishule twigiramwo ariko ridakomoka kuri Yesu.



**5. Ishengero ry'ukuri ryigisha Mki ?**

- A. Ishengero ry'ukuri ryigisha ko Yesu ari we vyizigiro.
- B. Abana b'I-mana ntibagomba gutanga ikigiracumi.
- C. Abantu bapfuye ari abagororotsi baca baja mw ijuru.


**IJWI RY'UBUHANUZI  
ISHURI RYA BIBILIYA MWIPOSTA  
B.P. 1710, Bujumbura  
Burundi.**



Izina.....



Ah'uba .....

